

# LA QUOTIDIANA

FMR Fundaziun Medias Rumantschas, Via da Masans 2, 7000 Cuirà, 081 544 89 11, redacziun@fmr.ch

LAAX

## Dil copist e gravader

Remo Arpagaus, scenograf, musicist e dirigent, ei in dils megliers enconuschiders contemporans digl artist Carl Strauss. Quel ha viviu 35 onns a Laax Salums.

AUGUSTIN BEELI/FMR

L'exposiziun actuala ella casa d'art Cularta ei dedicata a Carl Strauss. Igl ei in artist ch'ei restaus plitost nunenconuschents entochen oz. Da 1896 tochen 1915 ei quel staus bia sin viadi. Natschius 1873 a Boston els Stadis Uni era el vegnius ell'Europa sco giuven student. Dumengia suentermiezgi ha *Remo Arpagaus* discurreu dad el en connex cul program accumpignont dall'exposiziun. Igl ei buca stau in referat classic sco monolog, mobein plitost ina sentupada cun amaturas ed interessents da Carl Strauss. Remo Arpagaus rimna dapi decennis maletgs da quei artist, cun 14 onns hagi el aqistau l'emprema gravura ella boutique da Sonja Moser. Maggi a Glion vendeva era originals dil gravur da Salums, medemamein Toja Isenring.

Als presents han empriu d'enconuscher la gravura d'iom e la tecnica da Carl Strauss. Sco consequenza dall'Emprema uiara mundiala haveva quel stuiu bandunar l'Italia. Leu era el sespecialisau sco copist da meisters dalla Renaschientscha. Entuorn 1906 era el in renomau artist. Gl'American cun ragischs tudestgas era loschs da sia derivonza. El decuors dall'occurrenza cun Remo Arpagaus ha ei dau damondas, commentaris spontans ed raquents da gliעד ch'ei colligiada cun Strauss, sia biografia e sias lavurs. Il relasch da Carl Strauss ei el Museum d'art a Cuirà. «Per



Remo Arpagaus explichescha in maletg cun rispli.

FOTO MAD

bia buca tut ei leu», ha il referent saviu dir. Cu el ha bardigliu en Svizra ei ina gronda part da sias lavurs en format grond ida a piarder. «Igl ei stau per el ina catastrofa ch'el ha mai surmuntau», ha Remo Arpagaus getg. Dapi lu ha el malegiu mo pli el format pign, cun rispli e sin irom. 1922, suenter ina odissea da siat onns, eis el vegnius a Laax. Dumengia ha il moderatur e referent saviu declarar daco gest a Laax. Era surpras da gliעד che posseda ovras en ieli ha ei dau a caschun dall'occurrenza enteifer il program accumpignont.